

穀

梁

大

義

述

皇清經解續編卷九百九十一

南菁書院

穀梁大義述三

丹徒柳興恩賓叔著

述日月例

天王崩葬

隱公

三年

三月庚戌天王崩

傳高曰崩厚曰崩尊曰崩天

子之崩以尊也

范注平王也宋林堯叟云四十九年入春秋隱元年也三年崩在位五十一年

桓

公

十有五年

三月乙未天王崩

范注桓王林氏云元年隱四年也桓十五年崩在位二十

三年

莊公

三年

五月葬桓王

傳傳曰改葬也改葬之禮

總舉下緬也或曰卻尸以求諸侯天子志崩不志葬必其時

也何必焉舉天下而葬一人其義不疑也志葬故也危不得

葬也

僖公

八年

冬十有二月丁未天王崩

范注惠王也林云元年莊

十八年也在 文公 八年 秋八月戊申天王崩 范注襄王位二十五年

傷九年也在 九年 二月辛丑葬襄王 傳天子志崩不志位三十三年

葬舉天下而葬一人其道不疑也志葬危不得葬也日之甚

矣其不葬之辭也 宣公 二年 冬十月乙亥天王崩 范注

也林云元年文十二年 葬匡王 成公 五年 冬十有一

月己酉天王崩 范注定王林云元年宣三年也在位二十一年 襄公元年 九月

辛酉天王崩 林云元年成六年 二年 春王正月葬簡王 十二年

有八 十有二月甲寅天王崩 范注靈王林云元年襄二年也在位二十七年 昭

公 二十有二年 夏四月乙丑天王崩 林云在位二十五年 六月叔鞅

如京師葬景王王室亂 冬十月王子猛卒 傳不卒者也

其曰卒失嫌也

述曰天王之崩更重於君無有不書日者唯昭二十有二年

冬十月王子猛卒不書日

此亦自諸侯卒葬例來

山崩附

僖公

十有四年

秋八月辛卯沙鹿崩

僖林屬於山為鹿沙山

名也無崩道而崩故志之也其日重其變也

此自諸侯卒葬日危也例來

成公

五年

梁山崩

傳不日何也高者有崩道也

述曰崩字从山朋聲梁山之崩乃其本義傳云天子之崩以尊也明乎借高曰崩以為尊曰崩之義也穀梁得其最初之本意所以善於經良由正於字也

又案文九年疏云春秋之世有十二王志崩者九書葬者唯五耳良繇王室不赴諸侯不會故也又云其莊王僖王頃王

三者不志崩爲不赴故也又云遣使往會則錄之若不遣使則葬不明故不錄也今案此以左氏之例釋穀梁不知穀梁傳初無不赴不會葬之說也莊三年傳曰近不失崩不志崩失天下也此明魯去周近必不至失天子之崩不志崩者見天子之失天下耳觀求賻求金之使周有不赴魯者乎況傳明云不志葬魯卽往會亦不得書其書葬者危不得葬也知不係魯之會不會矣試以疏說合之傳說豈魯往會則危故書葬不往會則不危故不書葬乎有以知其必不然矣

莊王僖王頃王之崩經所不書則十二王之世次未悉今據林氏春秋提要補之莊王元年桓十有六年也莊十有二年崩在位十五年僖王元年莊十有三年也十有七年崩在位

五年頃王元年改九年也十有四年崩在位六年敬王元年昭二十有三年也崩在春秋後

王臣卒葬

隱公

三

夏四月辛卯尹氏卒

傳尹氏者何也天子之大

夫也外大夫不卒此何以卒之也於天子之崩爲魯主故隱而卒之 文公

三

夏五月王子虎卒

傳叔服也此不

卒者也何以卒之以其來會葬我卒之也或曰以其嘗執重以守也 定公

四

劉卷卒

傳此不卒而卒者賢之也

寘內諸侯也非列土諸侯此何以卒也天子崩爲諸侯主也

葬劉文公

述曰尹氏卒書日者比之列土諸侯也王子虎卒則以王子

猛卒例之不書日劉卷亦然

此自諸侯卒葬例來

尹氏左傳作君氏不以爲王臣穀梁何以謂之天子大夫也
曰此又須順文求之經書三月庚戌天王崩夏四月辛卯尹
氏卒秋武氏子來求賻明乎尹氏武氏子之俱屬乎天王也
如左氏以尹氏爲君氏中忽間以魯事則武氏子三字虛懸
無薄旣不若虎之明係以王子又不若毛伯祭叔之書采地
孰能知其爲天子大夫又何怪王荆公以春秋爲斷爛朝報
耶故曰穀梁善於經此其一也

屬辭比事四字從來亦未得各類是也屬辭者卽應文求之之類其解今案比事者卽逐例之是也一經一緯而春秋之大義盡矣

來求

隱公

三

秋武氏子來求賻

傳武氏子者何也天子之大

夫也

桓公

十有五年

春二月天王使冢父來求車

傳求車

非禮也求金甚矣

文公

九年

春毛伯來求金

述曰范注天王使不正稱月

據桓十年有五年

今無君不稱使故亦略

而書時

據文九年

今案此自諸侯卒葬月故也時惡之也例來

諸侯卒葬

隱公

三年

八月庚辰宋公和卒

傳諸侯日卒正也

癸未

葬宋繆公

傳日葬故也危不得葬也

五年

夏四月葬衛

桓公

傳月葬故也

見狀故

七年

滕侯卒

傳滕侯無名少

曰世子長曰君狄道也其不正者名也

不書葬

八年

夏六月

己亥蔡侯考父卒

傳諸侯日卒正也

辛亥宿男卒

傳

宿微國也未能同盟故男卒也

八月葬蔡宣公

傳月葬

故也 桓公 五年 春正月甲戌己丑陳侯鮑卒 傳鮑卒何

為以二日卒之春秋之義信以傳信疑以傳疑陳侯以甲戌

之日出己丑之日得不知死之日故舉二日以包也 葬陳

桓公 十年 春王正月庚申曹伯終生卒 夏五月葬曹桓公

十有一年 夏五月癸未鄭伯寤生卒 秋七月葬鄭莊公

十二年 八月壬辰陳侯躍卒 丙戌衛侯晉卒 十有三年

月葬衛宣公 十四年 冬十有二月丁巳齊侯祿父卒 十有

十五年 夏四月己巳葬齊僖公 十七年 六月丁丑蔡侯封人

卒 癸巳葬蔡桓侯 莊公元年 冬十月乙亥陳侯林卒

傳諸侯日卒正也 二年 春王二月葬陳莊公 三年 乙酉

宋公馮卒 夏四月葬宋莊公 傳月葬故也 九年 秋七

月丁酉葬齊襄公

十有六年

邾子克卒

二十有一年

夏五月

辛酉鄭伯突卒

冬十有二月葬鄭厲公

二十有三年

冬十

有一月曹伯射姑卒

二十有四年

葬曹莊公

二十有八年

夏

四月丁未邾子貜卒

三十有二年

夏四月薛伯卒

僖公

四年

夏許男新臣卒

葬許穆公

七年

曹伯班卒

冬葬

曹昭公

九年

春王三月丁丑宋公禦說卒

甲子晉侯詭諸

卒

十有二年

冬十有二月丁丑陳侯杵臼卒

十有三年

夏四

月葬陳宣公

十有四年

冬蔡侯肸卒

傳諸侯時卒惡之也

十有七年

冬十有二月乙亥齊侯小白卒

傳此不正其日

之何也其不正前見矣

十有八年

秋八月丁亥葬齊桓公

二十有三年

夏五月庚寅宋公茲父卒

傳不葬何也失民也

冬十有一月杞子卒 二十有四年 晉侯夷吾卒 二十有五年

夏四月癸酉衛侯燬卒 葬衛文公 二十有七年 夏六月庚

寅齊侯昭卒 秋八月乙未葬齊孝公 二十有八年 陳侯欵

卒 三十有二年 夏四月己丑鄭伯捷卒 冬十有二月己卯

晉侯重耳卒 三十有三年 癸巳葬晉文公 傳曰葬危不得

葬也 文公 五十年 冬十月甲申許男業卒 六十年 春葬許儋

公 八月乙亥晉侯驩卒 葬晉襄公 七十年 夏四月宋公

壬臣卒 九十年 秋八月曹伯襄卒 葬曹共公 十有三年 夏

五月壬午陳侯朔卒 邾子貜條卒 十有四年 夏五月乙亥

齊侯潘卒 十有八年 秦伯罃卒 宣公 三十三年 冬十月丙戌

鄭伯蘭卒 葬鄭穆公 四十年 秦伯稻卒 九十年 八月滕子

卒 辛酉晉侯黑臀卒于扈 傳其地於外也其日未踰竟

也 冬十月癸酉衛侯鄭卒 年十 己巳齊侯元卒 葬齊

惠公 十有二年 春葬陳靈公 十有四年 夏五月壬申曹伯壽卒

葬曹文公 十有七年 春王正月庚子許男錫我卒 丁未蔡

侯申卒 夏葬許昭公 葬蔡文公 十有八年 甲戌楚子呂

卒。傳夷狄不卒卒少進也卒而不日日少進也日而不言

正不正簡之也 成公 二年 八月壬午宋公鮑卒 庚寅

衛侯速卒 三年 正月 辛亥葬衛穆公 二月乙亥葬宋

文公 四年 三月壬申鄭伯堅卒 葬鄭襄公 六年 壬申

鄭伯費卒 九年 秋七月丙子齊侯無野卒 冬十有一月

葬齊頃公 十年 丙午晉侯孺卒 十有三年 曹伯廬卒于師

傳傳日閔之也 冬葬曹宣公 傳葬時正也 十有四年春

王正月莒子朱卒 冬十月庚寅衛侯臧卒 秦伯卒 十有五年

五年春王二月葬衛定公 十有五年夏六月宋公固卒 秋八

月庚辰葬宋共公 傳月卒日葬非葬者也此其言葬何也

以其葬共姬不可以不葬共公也 十有六年夏四月辛未滕

子卒 十有七年邾子貜且卒 襄公 二年六月庚辰鄭伯

踰卒 四年春王三月己酉陳侯午卒 葬陳成公 六年春王

三月壬午杞伯姑容卒 秋葬杞桓公 七年鄭伯髡原如

會未見諸侯丙戌卒于操 傳其地於外也其日未踰竟也

日卒時葬正也 夏葬鄭僖公 十有二年秋九月吳子乘卒

十有三年秋九月庚辰楚子審卒 十有五年冬十有一月癸

亥晉侯周卒

十有六年

春王正月葬晉悼公

十有七年

春王二月

庚午邾子矰卒

十有八年

曹伯負芻卒于師

傳閔之也

十九年

葬曹成公

秋七月辛卯齊侯環卒

冬葬齊靈公

二十有三年

三月己巳杞伯勾卒

葬杞孝公

二十有五年

十有二月吳子闔閭伐楚門于巢卒

二十有六年

八月壬午許

男甯卒于楚

葬許靈公

二十有八年

乙未楚子昭卒

二十有九年

有九年

庚午衛侯伋卒

秋七月葬衛獻公

三十一年

冬十

月葬蔡景公

傳不日卒而月葬不葬者也卒而葬之不忍

使父失民於子

昭公元年

六月丁巳邾子華卒

葬邾

悼公 冬十有一月己酉楚子卷卒

三十三年

春王正月丁未滕

子原卒

五月葬滕成公

三十五年

秦伯卒

三十六年

春王正月杞

伯姑容卒 葬秦景公 葬杞文公 秋八月戊辰衛

侯惡卒 十有二月癸亥葬衛襄公 夏四月辛丑陳

侯溺卒 葬陳哀公 傳不與楚滅閔之也 戊子晉

侯彪卒 葬晉平公 十有二月甲子宋公成卒 十有春

王二月叔弓如宋葬宋平公 三月壬申鄭伯嘉卒

五月葬鄭簡公 冬十月葬蔡靈公 傳變之不

葬有三失德不葬弑君不葬滅國不葬然且葬之不與楚滅

且成諸侯之事也 三月曹伯滕卒 秋葬曹武公

八月莒子去疾卒 春王正月吳子夷末卒

秋八月己亥晉侯夷卒 冬十月葬晉昭公 春王

三月曹伯須卒 秋葬曹平公 冬葬許悼公 傳

日卒時葬不使止爲弑父也

二十一年

十有一月辛卯蔡侯

卒

二十有一年

春王三月葬蔡平公

二十有三年

夏六月蔡

侯東國卒于楚

二十有四年

丁酉杞伯郁釐卒

葬杞平公

二十有五年

十有一月己亥宋公佐卒于曲棘

二十有六年春

王正月葬宋元公

九月庚申楚子居卒

二十有七年

冬十

月曹伯午卒

二十有八年

春王正月葬曹悼公

夏四月丙戌

鄭伯甯卒

六月葬鄭定公

秋七月癸巳滕子甯卒

冬

葬滕悼公

三十一年

夏六月庚辰晉侯去疾卒

秋八月葬

晉頃公

三十有一年

夏四月丁巳薛伯穀卒

秋葬薛獻公

定公

三十二年

三月辛卯邾子貜卒

秋葬邾莊公

四十一年春

王二月陳侯吳卒

杞伯成卒于會

六月葬陳惠公

葬

杞悼公 八年 曹伯露卒 葬曹靖公 秋七月戊辰陳侯

柳卒 九月葬陳懷公 九年 夏四月戊申鄭伯蠆卒 六

月葬鄭獻公 秦伯卒 冬葬秦哀公 十有二年 春薛伯定卒

夏葬薛襄公 十有四年 吳子光卒 哀公 二年 夏四月

丙子衛侯元卒 冬十月葬衛靈公 三年 冬十月癸卯秦

伯卒 葬秦惠公 四年 秋八月甲寅滕子結卒 冬十有

二月葬蔡昭公 葬滕頃公 五年 秋九月癸酉齊侯杵臼

卒 閏月葬齊景公 傳不正其間也 六年 秋七月庚寅

楚子軫卒 八年 冬十有二月癸亥杞伯過卒 九年 春王二

月葬杞僖公 十年 三月戊戌齊侯陽生卒 葬齊悼公

苗伯夷卒 秋葬薛惠公 十有十一年 秋七月辛酉滕子虔母

卒 冬十有一月葬滕隱公

十有三年

夏許男成卒

葬許

元公

述曰隱三年八年莊元年傳俱曰諸侯口卒正也則舉宋公和蔡侯考父陳侯林以例其餘而凡宿男曹伯終生鄭伯寤生陳侯躍齊侯祿父蔡侯封人邾子瑣陳侯杵臼宋公茲父衛侯燬齊侯昭鄭伯捷許男業晉侯驩陳侯朔鄭伯蘭曹伯壽許男錫我蔡侯申衛侯速鄭伯賈齊侯無野晉侯獯衛侯臧滕子鄭伯論杞伯姑容邾子矰齊侯環杞伯句許男甯衛侯衍邾子華滕子原衛侯惡陳侯溺晉侯彪宋公成晉侯夷杞伯郁釐鄭伯甯滕子甯晉侯去疾薛伯穀邾子穿陳侯柳鄭伯蠆衛侯元滕子結杞伯過滕子虞母共五十四人皆正

也然如曹邾滕薛等小國事跡無徵容有以不正前見當入齊侯小白之例者俟攷

日卒之中又有四例其一僖十有七年冬十有二月乙亥齊侯小白卒傳此不正其日之何也其不正前見矣其不正之前見何也以不正入虛國故稱嫌焉爾則由齊桓推之凡以不正繼故者皆視此桓十有二年丙戌衛侯晉卒范甯注晉不正非日卒者也不正前見矣隱四年衛人立晉是也與齊小白義同个案所謂不正前見者非必定如衛人立晉齊小白入于齊之見於經也凡繼弑君而立者其不正俱已前見如莊元年乙酉宋公馮卒疏云案世本馮是宋莊公穆公之長子宋督既弑與夷則馮是當正故亦書日卒个案疏說非

也與夷既弑馮又非與夷長子則亦不正前見之例耳他如

鄭伯突繼昭公之弑

昭公弑見左氏傳不見穀梁經傳

宋公禦說繼捷之弑

晉侯重耳繼懷公之弑

懷公弑見左氏傳

齊侯潘繼孝公之子之弑

史記齊世家孝公卒弟潘殺孝公子而立是為昭公

晉侯黑臀繼夷皋之弑齊侯元繼

懿公之弑

左氏傳

宋公鮑繼杵臼之弑鄭伯堅繼夷之弑陳侯

午繼平國之弑晉侯周繼州蒲之弑鄭伯嘉繼僖公之弑

左氏傳

傳

齊侯杵臼繼光之弑齊侯陽生繼荼之弑此皆不正前見

而日卒者衛人立晉傳曰其稱人以立之何也得取也得眾

則是賢也推此則晉侯重耳晉侯周齊侯杵臼等之日卒或

皆以賢而錄之與

其二宣九年辛酉晉侯黑臀卒于扈傳其地於外也其日未

踰竟也襄七年鄭伯髡原如會未見諸侯丙戌卒于操傳其地於外也其日未踰竟也日卒時葬正也二十有六年八月壬午許男甯卒于楚昭二十有五年十有一月己亥宋公佐卒于曲棘傳邠公也此四者踰竟未踰竟皆日卒僖四年夏許男新臣卒傳諸侯死於國不地死於外地死於師何爲不地內桓師也

成十有三年曹伯廬卒于師傳傳曰閔之也公大夫在師曰師在會曰會冬葬曹宣公傳葬時正也襄十有八年曹伯負芻卒于師傳閔之也昭二十有三年夏六月蔡侯東國卒于楚定四年杞伯成卒于會此五者皆不日今案傳云日卒正也月葬故也又云時葬正也合而論之故者不得其正則正者爲無故也夫以一國之主病卒於外憂危孰甚尙得云無故哉

況髡原之卒以弑尙得謂之正哉而日卒何也夫鄭伯將會中國其臣欲從楚不勝其臣弑而死則其志正矣故日卒者正其志也晉侯黑臀許男甯事跡無徵旣皆日卒則亦從鄭伯之正可知宋公佐謀納昭公者亦正其事也其踰竟未踰竟特借以明正之例非借以明正與不正之例也乃宣九年范注云恐後人謂操扈是國故於疑似之際每爲發傳曰未踰竟也則是日與不日專係踰竟未踰竟非係正不正其謬一也且范以嫡長釋正謂凡日卒者皆嫡長繼正則顯與月葬故也時葬正也非一例其謬二也況僖十有四年冬蔡侯肸卒傳諸侯時卒惡之也豈惡其非嫡長乎其謬三也僖十有六年三月壬申公子季友卒傳大夫日卒正也公子友居

季則非嬪長傳何以亦曰正也則以大夫例諸侯其謬四也

故楊疏駁之曰范氏之注上下多違縱使兩解仍有僻謬傳四

年許男新烏乎范好非傳又何怪楊之非注乎此條又兼地臣卒疏與不地之例

其三宣十有八年甲戌楚子呂卒傳夷狄不卒卒少進也卒

而不日日少進也日而不言正不正簡之也推此則襄十有

三年秋九月庚辰楚子審卒二十有八年乙未楚子昭卒昭

元年冬十有一月己酉楚子卷卒昭二十有六年九月庚申

楚子居卒哀六年秋七月庚寅楚子軫卒既不言其正不正

故楚子卷之見弑亦日卒也襄十有二年秋九月吳子乘卒

二十有五年十有二月吳子謁伐楚門于巢卒此亦在踰竟之例夷故略

之昭十有五年春王正月吳子夷末卒定十有四年吳子光

卒皆卒而不日亦簡之也他如滕莒之用狄道者亦當視此其四桓五年陳侯鮑卒舉二日以包之今案甲戌至己丑凡十有六日此創例也

僖十有四年冬蔡侯肸卒傳諸侯時卒惡之也則凡時卒者視此皆不正也又有月卒者成十有五年傳月卒日葬非葬者也推此則月卒者不言正不正亦從簡也惟僖四年夏許男新臣卒范注以爲不在惡之之例今案傳云不地內桓師也所美在齊桓安知所惡不在許男乎且經果不惡之當如成十有三年曹伯廬卒于師冬葬曹宣公傳閔之也葬時正也今許男之卒則書時葬許穆公又不書時安見其不在惡之之例耶夫許自仇鄭以來終春秋之世常從楚此與於伐

楚特迫於齊桓之伯令耳雖卒于師不足閔也

葬例有三與卒例正反時卒惡之也而時葬正也

成十有三年襄七年

月卒非故也而月葬故也

隱五年莊二年

日卒正也而日葬故也危

不得葬也

隱三年僖三十有二年

準此以求而諸侯之葬事備矣又昭

十有三年傳變之不葬有三失德不葬

僖二十有三年宋公

失民也成十有五年宋公固卒傳月卒日葬非葬者也此其言葬何也以其葬其姬不可以不葬其公也

弒君不

葬亦有書葬者蔡景不忽使父失民於子襄三十年陳靈公

足可錄哀四年其衛桓齊襄二人竝討賊故皆書葬疏說如

此案隱十有一年傳君弒賊不討不書葬以罪下也不討不

書葬明討賊則得滅國不葬十有一年葬蔡靈公傳俱以爲

不與楚滅之也此皆大義之凜然者矣

隱七年滕侯卒傳滕侯無名少曰世子長曰君狄道也其不

正者名也今案不正者名如昭三年書滕子原卒二十有八年滕子甯卒哀四年滕子結卒十有一年滕子虞母卒其名者非嫡長世子也傳於此乃以嫡長言正不正范注遂以釋諸華之日卒者所謂知其一未知其二也推此則若莒若薛其君或名或不名亦宜從同惟隱八年辛亥宿男卒傳宿微國也未能同盟故男卒也不在此例

春秋所以治諸侯故書其卒葬特詳而日月褒貶之例亦特備禮天子七日而殯諸侯五日而殯大夫三日而殯故傳例云日卒正也月卒非正也時卒惡之也天子七月而葬七月則歷三時矣諸侯五月而葬五月則歷二時矣大夫三月而葬三月則盡一時矣故傳例云時葬正也月葬故也日葬故

也危不得葬也其起例之反對實理之自然不假強爲者也而通傳之以書日而褒者皆自日卒正也之例推之以書日爲貶者皆自日葬故也之例推之此更一以貫之矣後儒未窺此祕但見同一書日此旣爲褒彼又爲貶同一不書日而此旣爲貶彼又爲褒且同一事也而前以不日爲信後又以書日爲美遂紛紛議之固無怪其一唱而百和矣自此說出而穀梁日月之例乃以懸諸日月而不刊云

宋公佐卒于曲棘傳邢公也注轉邢爲訪訓訪爲謀用左氏說以爲謀納昭公信如范說穀梁亦當如公羊之變內也云謀內不當云謀公注說非是阮太傅定香亭筆談卷四蕭山陶定山明於聲音訓故之學其解穀梁傳邢公也云范氏集

解謂邠爲訪案訪字從方與丙同部隱公五年歸訪穀梁作
邠爾雅怵怵憂也莊子邠邠乎其似喜乎邠雖似喜其實爲
憂故公羊於此經傳云憂內也明宋元憂慮魯難是以勤行
與穀梁合竊以邠當爲邠解爲憂公於傳稍協興恩謹案史
記李斯列傳上書二世明趙高之罪有曰昔者司城子罕相
宋身行刑罰以威民行之暮年遂劫其君此天下所明知也
說苑君道篇司城子罕相宋居期年逐其君而專其政劉向
家據此則邠爲地名宋公爲司城所逐卒于曲棘而穀梁謂
之邠公猶厲王爲周人所逐流於彘而毛詩謂之汾王也僖
二十四年經書亦歸于曹郭公以穀梁邠公也之例推之釋
爲郭公也則其義甚明可息後儒紛然聚訟之議此穀梁所

以爲善於經惜乎二千年來傳義爲眾儒所汨而經義亦爲
眾說所蒙至是乃發其覆也

取

隱公

四年

春王二月莒人伐杞取牟婁 傳傳曰言伐言取所

惡也諸侯相伐取地於是始故謹而志之也

六年

冬宋人

取長葛 傳外取邑不志此其志何也久之也

十年

六月

壬戌公敗宋師于菅辛未取郕辛巳取防 傳取邑不日此
其日何也不正其乘人敗深爲利取二邑故謹而日之也

宋人蔡人衛人伐戴鄭伯伐取之 傳不正其因人之力而

易取之故主其事也

桓公

二年

夏取郕大鼎于宋 莊

公

九年

九月齊人取子糾殺之

傳外不言取言取病內

也取易辭也 僖公 三年 徐人取舒 二十有二年 春公伐邾

取須句 二十有六年 公以楚師伐齊取穀 三十有一年 春取濟

西田 三十有三年 公伐邾取訾樓 文公 七年 春公伐邾三

月甲戌取須句 傳取邑不日此其日何也不正其再取故

謹而日之也 宣公 元年 六月齊人取濟西田 傳內不

言取言取授之也以是為賂齊也 四年 公伐莒取向 九年

秋取根牟 十年 公孫歸父帥師伐邾取繹 成公 六年

取鄆 傳鄆國也 襄公 十有三年 夏取鄆 十有九年 取

邾出自潒水 傳軋辭 昭公元年 二月取鄆 四年 九

月取繪 二十有五年 齊侯取鄆 三十有二年 公在乾侯取闕

哀公 八年 夏齊人取讎及闕 傳惡內也 九年 宋皇

瑗帥師取鄭師于雍丘

十有三年

春鄭罕達帥師取宋師于嵒

述曰日月之例止見於取郕取防取須句而已此自卒葬日故也例來凡書取言易也有內取外者有外取內者有外相取者與入例同而更有內自取者如昭元年取鄆范注魯邑言取者叛戾不服三十有二年公在乾侯取闕是也

昭元年取鄆范注魯邑非也取鄆與取根牟取鄆取郕取緡同例鄆鄆等既爲國名則鄆亦國名觀成九年楚人入鄆與鄆人人滑邾人人鄆同例鄆本爲國益以明矣說文解字云魯有鄆地今案魯鄆有二在魯東境者本莒邑襄十有二年春王二月莒人伐我東鄆闕鄆季孫宿帥師救鄆遂入鄆是也其在魯西境者本國名成九年楚人入鄆昭元年取鄆是

也卽今山東曹州府鄆城縣有鄆城故城至二十有五年齊
齊侯取鄆惟其本係故國故取以居昭公後書鄆潰猶與蔡
潰沈潰莒潰同例則鄆之爲國愈見

襄公十有八年取邾田自邾水傳軋辭也范注軋委曲隨邾
水言取邾田之多今案范說非也經冬十月公會晉侯宋公
衛侯鄭伯曹伯莒子邾子滕子薛伯杞伯小邾子同圍齊十
有九年春王正月諸侯盟于祝柯晉人執邾子公至自伐齊
取邾田自邾水傳春秋之義已伐而盟復伐者則以伐致盟
不復伐者則以會致祝柯之盟盟復伐齊與曰非也然則何
爲以伐致也曰與人同事或執其君或取其地軋辭也其不
曰惡盟也今案說文軋輶也輶車所踐也傳意謂魯

傾軋邪或請晉執其君或自取其地與盟後復伐無異故以
伐致也軋傾軋也豈委曲之謂哉且傳以或執其君或取其
地軋辭也連句乃斷取軋辭也三字屬之經取邪田自鄆水
下則上傳或執其君或取其地何以竟往亦不詞之甚
弑

隱公 四年 戊申衛祝吁弑其君完 桓公 二年 春王正月戊

申宋督弑其君與夷 莊公 八年 冬十有一月癸未齊無

知弑其君諸兒 十有二年 秋八月甲午宋蕩弑其君捷 僖

公 九年 晉里克弑其君卓 文公元年 冬十月丁未楚

世子商臣弑其君髡 傳日髡之卒所以謹商臣之弑也夷

狄不言正不正 十有四年 齊公子商人弑其君舍 傳舍之

不日何也未成爲君也

十有六年

冬十有一月宋人弑其君

杵臼

十有八年

夏五月戊戌齊人弑其君商人莒弑其君

庶其宣公

二年

秋九月乙丑晉趙盾弑其君夷皋

四年

夏六月乙酉鄭公子歸生弑其君夷

十年

癸巳陳夏徵

舒弑其君平國

成公

十有八年

庚申晉弑其君州蒲襄

公

二十有五年

夏五月乙亥齊崔杼弑其君光

二十有六年春

王二月辛卯衛甯喜弑其君剽傳此不正其日何也殖也

立之喜也君之正也

二十有九年

閻弑吳子餘祭

三十一年

夏四月蔡世子般弑其君固傳其不日子奪父政是謂夷

之

三十有一年

十有一月莒人弑其君密州

昭公

三十三年

夏四月楚公子比自晉歸于楚弑其君虔于乾溪傳弑

君者日不日比不弑也

十有九年

夏五月戊辰許世子止弑

其君買

傳日弑正卒也正卒則止不弑也不弑而日弑責

止也

二十有七年

夏四月吳弑其君僚

定公

十有三年

薛

弑其君比

哀公

四年

春王二月庚戌盜弑蔡侯申

六年

齊陽生入于齊齊陳乞弑其君荼

述日弑例凡二十有五其書日者皆自日卒正也例來其不

日者凡十有一其十有一之中發傳者凡三餘無傳者凡八

今案齊陳乞之弑范注不日荼不正也據此則晉卓子之不

日亦不正此自不日卒例來若宋杵臼之不日似非不正之

例文八年宋人殺其大夫司馬宋司城來奔范注引鄭君釋

廢疾云司馬司城君之爪牙守國之臣乃殺其司馬奔其司

城無道之甚又文十有五年三月宋司馬華孫來盟傳曰司馬官也以其官稱無君之辭也據此則宋臣無君與蔡世子般子奪父政一例其不日皆夷之也至於莒弑其君庶其闔弑吳子餘祭莒人弑其君衞州吳弑其君僚薛弑其君比或本夷也而夷之或不本非夷也而亦夷之故皆不書日此亦自來例

日月之外又有書某國之某及書人書國書聞書盜之例傳

曰大夫弑其君以國氏者嫌也弑而代之也

隱四年

此舉衛

祝吁齊無知以例其餘則凡書世子公子者視此傳曰稱國

以弑其君君惡甚矣

成十有八年

此舉晉弑以例其餘凡書莒弑

吳弑薛弑者視此惟書人者自宋人弑其君始不發傳者案

莊十有七年春齊人執鄭詹傳人者眾辭也推之凡書宋人

弑齊人弑莒人弑者視此盜弑止一見傳爲之廣其例曰春

秋有三盜微殺大夫謂之盜范注十三年冬盜殺陳夏區夫是非所取而取

之謂之盜注定八年陽貨取寶玉大弓是辟中國之正道以襲利謂之盜注即

殺蔡侯申者是今案盜例已備於此餘不重出以此該之

僖九年冬晉里克殺其君之子奚齊傳其君之子云者國人

不予也國人不子何也不正其殺世子申生而立之也今案

傳以國人立說恰合當日情事而大義仍復凜然夫奚齊者

非里克所得殺也猶曰國人殺之云爾孟子曰民爲貴社稷

次之君爲輕惟穀梁經本書殺故立說如此左氏經傳亦同

作殺此不在弑例者也惟公羊經傳作弑

段大令玉裁經韻樓集曰有三事最易惑人啟天下後世之

亂者一曰晉里克弑其君之子奚齊陸氏釋文譌爲殺夫其

君之子云者猶言晉子也

左傳凡在喪王曰小童公侯曰子公羊傳君在稱世子未葬稱子某

既葬稱子

不言晉里克弑其子奚齊者言其子不辭故必曰

其君之子不曰晉子者亦以見本非世子也子而曰弑者子

不敢自君臣民不敢不君之書弑所以範天下後世之凜其

喪君與成君無別也左氏傳曰書曰弑其君之子未葬也謂

未葬故書其君之子不書其君非謂未葬故書殺不書弑經

譌殺是與王札子殺召伯毛伯陳侯之弟招殺陳世子偃師

書法不別也

僖九年左氏釋文經殺其君之子如字又音弑傳同公羊音弑案此條極謬云如字是在喪之

君可稱殺也云如字又音弑則歧惑不定也云傳同不知左傳云冬十月里克殺奚齊於次書曰弑其君之子未葬也苟

息立公子卓以葬十一月里克殺公子卓於朝兩言殺記事
之文也一言弑述經之文也本不亂而後人亂之其云公羊
音弑則公羊本不作殺公羊經云管里克弑其君之子奚齊
傳云此未踰年之君其言弑其君之子奚齊何弑未踰年君
之號也注云欲言弑其子奚齊嫌無君文與殺大夫同欲言
弑其君又嫌與弑成君同故先引君冠子之上則弑未踰年
君之號定而坐之輕重見矣此公羊經之作弑了然其殺梁
經本作弑其君之子無疑今石經及板本皆作殺非也若禮
記坊記曰魯春秋記晉喪曰弑其君之子奚齊及其君卓
括聖經以一弑領二君今亦講為殺字則亦陸氏之憤憤爾
今人左傳穀梁讀本及胡安國本奚齊作殺
卓子作弑學者乃疑未成君可以不云弑
一曰闕弑吳子

餘祭一曰盜弑蔡侯申陸氏皆講為殺吳子也蔡侯也不曰
其君者開者刑人也盜者賤人也刑人賤人非君所近不使
得君其君比於凡弑君者也其為弑則同者雖刑人賤人未
有無君者也經講殺是與盜殺鄭公子駢公子發公孫輒盜
殺衛侯之兄繫盜殺陳夏區夫書法不別也

襄二十九年左
釋文經闕殺吳

子餘左氏唐石經作殺公羊石經及板本則作弑殺梁
蔡本亦作弑參差不治陸氏之謬也哀四年左釋文經盜殺蔡
侯申公羊經唐石作弑傳云此其稱盜以弑何穀梁經唐石
亦作弑傳云此稱盜以弑君何則公穀二經之作弑了然也
今左氏經板本作盜殺胡是不亦便於亂臣賊子刑人賤人
之賊其君且藉口於春秋不書弑哉豈聖人正名之意哉
又曰里克弑其君之子奚齊二傳之經作殺皆非依公羊固
可知聖經作弑也今案段氏依公羊本作弑可也乃非穀梁
經之作殺亦未深究穀梁傳之大義而遽非之耳孟子曰聞
誅一夫紂矣未聞弑君也此穀梁作殺之義也

段氏又曰劉向上封事云春秋二百四十二年之間弑君三
十六三當作二字之誤也弑君之見於春秋經者隱公四年
衛州吁弑其君完一也桓公二年宋督弑其君與夷二也莊

公八年齊無知弑其君諸兒三也十二年宋萬弑其君捷四

也僖公九年晉里克弑其君之子奚齊五也

此條不足據

十年晉

里克弑其君卓六也文公元年楚太子商臣弑其君頤七也

十四年齊公子商人弑其君舍八也十六年宋人弑其君杵

臼九也十八年齊人弑其君商人十也莒弑其君庶其十一

也宣公二年晉趙盾弑其君夷皋十二也四年鄭公子歸生

弑其君夷十三也十年陳夏徵舒弑其君平國十四也成公

十八年晉弑其君州蒲十五也襄公二十五年齊崔杼弑其

君光十六也二十六年衛甯喜弑其君剽十七也二十九年

閔弑吳子餘祭十八也三十年蔡太子般弑其君固十九也

三十一年莒人弑其君密州二十也昭公十三年楚公子比

弑其君虔于乾谿二十一也十九年許世子止弑其君買二十也二十七年吳弑其君僚二十三也定公十三年薛弑其君比二十四也哀公四年盜弑蔡侯申二十五也六年齊陳乞弑其君荼二十六也凡此皆大書特書確有弑字無可疑者乃若漢書相傳譌作三十六顏師古乃求諸左傳以足之曰羽父使賊弑公於鴛氏曰共仲使圉人牽賊子般曰共仲使卜齮賊公於武闕曰魯襄仲殺子惡皆經所爲魯諱也曰鄭子駟使賊夜弑僖公經書鄭伯卒于鄆者也曰楚公子圍入問王疾縊而弑之經書楚子麇卒者也曰齊人弑悼公經書齊侯陽生卒者也曰曲沃伯誘晉小子侯殺之曰鄭傅瑕弑其君鄭子曰鄭高渠彌弑昭公曰晉弑懷公於高梁四

者經無其事者也而經所大書晉里克弑其君之子奚齊乃

漏而不數以數之則爲三十七不合於三十六之數也

併未漏如

不數則止三十五

矣此段氏之誤 不知子般子惡經所諱者既數之則是經

所書之奚齊顧可不數乎劉向所治者穀梁不治左氏此二

十六弑三經所同然則師古所注漢書之譌字審矣二十六

弑者漢經師舊說也 又曰弑君三十六亦見太史公自序

亦是譌字今案弑君三十六不數奚齊此史漢相承之說不

得改爲二十六也

今案三十六漢儒又作三十
二見長編後漢丁鴻傳條

阮相國元曰說文弑臣殺君也白虎通引春秋讖曰弑者試

也臣子殺其君父不敢卒稍稍試之按此訓似也而尙不得

經意經中弑字明見于易文言臣弑其君子弑其父與殺同

而大有分別此蓋聖人不忍言之若謂天下于君父不應有殺之事而竟有之何忍言之故于殺之詞氣惕之戚之緩之輕之也何以明之弑从式得聲說文人部弑字解曰惕也引春秋國語曰于其心忒然今國語韋注作戚然當依許作忒惕然而戚然亦同此意聖賢於此變殺言弑蓋其詞氣惕然戚然稍緩之稍輕之非猝然甚之急之重之也知此字詞氣之本義則春秋之書弑書殺可得其意知漢人寫經字或有弑殺之異矣不但三傳有異卽一傳之中釋文亦異矣論語崔子弑陳成子弑釋文本亦作殺矣君臣父子之義定則此字之書法讀法亦定所以三傳之字或有異同否則以弑爲殺卽失春秋第一大義三傳大儒不應不嚴一字之誅而錯

不較也此道光二十年相國 予告在籍余以此棄渡江就正蒙錫弁首之序併贈此篇題曰弑殺解囚敬錄之於此

遇

隱公四年 夏公及宋公遇于清 傳及者內為志焉爾遇者

志相得也入年 春宋公衛侯遇于垂 傳不期而會曰遇遇

者志相得也 莊公四年 夏齊侯陳侯鄭伯遇于垂 十二

有三年 公及齊侯遇于穀 三十年 冬公及齊侯遇于魯濟

二十有二年 夏宋公齊侯遇于梁邱 傳遇者志相得也梁

邱在曹邾之間去齊八百里非不能從諸侯而往也辭所遇

遇所不遇大齊桓也 僖公十有四年 夏六月季姬及糴子

遇于防使糴子來朝 傳遇者同謀也來朝者來請已也

述曰隱四年范注遇例時亦由隱十有一年傳例朝時正也而推之至僖十有四年注遇例時此非所宜遇故謹而月之今案此說近是此自時葬正也月葬故也例來范又云魯女無故違會諸侯遂得淫通此亦事之不然左傳曰緡季姬來甯公怒之以緡子不朝遇于防而使來朝此近合人情使來朝請已爲妻今案此說自相矛盾來朝如係請已爲妻則不得從左氏來甯之說如從左氏來甯之說則來朝定非請已爲妻詳范所以爲此矛盾之說者蓋見下經書季姬歸于緡以爲始嫁之于歸而不知其爲見出而復歸也若云來朝請已復歸則無矛盾之病矣說見內女篇

隱四年范注八年傳曰不期而會曰遇今日內爲志非不期

也然則遇有二義

丙伐

隱公

年四

秋鞏帥師會宋公陳侯蔡人衛人伐鄭

年七

秋

公伐邾

年十

夏鞏帥師會齊人鄭人伐宋

桓公

年八

秋伐邾

年十有

十有二月及鄭師伐宋

年十有

冬十有

一月公會宋公衛侯陳侯于袤伐鄭

年十有

夏四月公會

宋公衛侯陳侯蔡侯伐鄭

年十有

及宋人衛人伐邾 莊

公

年二

夏公子慶父帥師伐于餘丘

年三

春王正月溺會

齊侯伐衛

年五

冬公會齊人宋人陳人蔡人伐衛

年九

夏公伐齊納糾

年十有

夏單伯會伐宋

年二十有

秋公

會宋人齊人伐徐

僖公

年四

春王正月公會齊侯宋公陳

侯衛侯鄭伯許男曹伯侵蔡蔡潰遂伐楚 秋及江人黃人

伐陳 傳不以其人及之者何內師也 六年 夏公會齊侯

宋公陳侯衛侯曹伯伐鄭 二十有 冬公伐邾 二十有

春公伐邾 二十有 六年 公以楚師伐齊 文公 三年春王正

月叔孫得臣會晉人宋人陳人衛人鄭人伐沈 七年春伐邾

十有 四年 叔彭生帥師伐邾 宣公 四年 公伐莒 七年 夏

公會齊侯伐萊 十有 年 公孫歸父帥師伐邾 十有 年 公孫

歸父會齊人伐莒 十有 八年 公伐杞 成公 三年春王正月

公會晉侯宋公衛侯曹伯伐鄭 八年 叔孫僑如會晉士燮

齊人邾人伐鄭 十有 年 五月公會晉侯齊侯宋公衛侯曹伯

伐鄭 十有 三年 夏五月公自京師遂會晉侯宋公衛侯鄭伯

曹伯邾人滕人伐秦

十有六年

公會尹子晉侯齊國佐邾人

伐鄭

十有七年

夏公會尹子單子晉侯齊侯宋公衛侯曹伯

邾人伐鄭

冬公會單子晉侯宋公衛侯曹伯齊人邾人伐

鄭 襄公

九年

冬公會晉侯宋公衛侯曹伯莒子邾子滕

子薛伯小邾子齊世子光伐鄭

十年

公會晉侯宋公衛侯

曹伯莒子邾子齊世子光滕子薛伯杞伯小邾子伐鄭

十有

一年

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭

公會晉侯宋公衛侯曹伯齊世子光

莒子邾子滕子薛伯杞伯小邾子伐鄭

十有四年

夏四月叔

孫豹會晉荀偃齊人宋人衛北宮括鄭公孫蒍曹人莒人邾

人滕人薛人杞人小邾人伐秦

十有六年

叔老會鄭伯晉荀

假衛甯殖宋人伐許

二十一年

仲孫速帥師伐邾 昭公

十一年

秋七月季孫意如叔弓仲孫纁帥師伐莒 哀公元年

冬仲孫何忌帥師伐邾

二十二年春王二月季孫斯叔孫州仇

仲孫何忌帥師伐邾

十六年

冬仲孫何忌帥師伐邾

十一年

公會吳伐齊

十有一年

五月公會吳伐齊

述曰內伐與諸侯相伐同亦自諸侯卒葬時惡之也例來其惡之不甚者書月

外殺

隱公

四年

九月衛人殺祝吁于濮 傳稱人以殺殺有罪也

祝吁之挈失嫌也其月謹之也于濮者譏失賊也 桓公

六年

蔡人殺陳佗 莊公

九年

春齊人殺無知 傳無知之

挈失嫌也稱人以殺大夫殺有罪也 九月齊人取子糾殺

之 二十有二年 陳人殺其公子禦寇 二十有六年 曹殺其大

夫 僖公 五年 春晉侯殺其世子申生 傳目晉侯斥殺惡

晉侯也 七年 鄭殺其大夫申侯 傳稱國以殺大夫殺無

罪也 十年 晉殺其大夫里克 傳稱國以殺罪累上也

十有 一年春晉殺其大夫平鄭父 二十有八年 楚殺其大夫得臣

傳稱國以殺罪累上也 三十一年 秋衛殺其大夫元咺及

公子瑕 文公 六年 晉殺其大夫陽處父 七年 宋人殺

其大夫 傳稱人以殺誅有罪也 八年 宋人殺其大夫司

馬 傳司馬官也其以官稱無君之辭也 九年 晉人殺其

大夫先都 晉人殺其大夫士穀及箕鄭父 傳稱人以殺

誅有罪也鄭父累也

年十

楚殺其大夫宜申

宣公

年九

陳殺其大夫泄冶

傳稱國以殺其大夫殺無罪也

年十

年三

冬晉殺其大夫先穀

年十有

春衛殺其大夫孔達

年十

年五

王札子殺召伯毛伯

年十有

秋七月邾人戕繒子于

繒 傳戕猶殘也稅殺也

成公

年八

晉殺其大夫趙同

趙括

年十有

宋殺其大夫山

年十有

楚殺其大夫公子

側

年十有

晉殺其大夫卻錡卻犇卻至

傳自禍於是起

矣

年十有

春王正月晉殺其大夫胥童

齊殺其大夫國佐

襄公

年二

楚殺其大夫公子申

年四

楚殺其大夫公

子壬夫

年十

冬盜殺鄭公子斐公子發公孫輒 傳稱盜

以殺大夫弗以上下道惡上也

年十有

鄭殺其大夫公子

嘉 齊殺其大夫高厚

二十一年

蔡殺其大夫公子溼

十二年

有二年

楚殺其大夫公子追舒

二十三年

陳殺其大夫慶

虎及慶寅

傳稱國以殺罪累上也及慶寅慶寅累也

晉

人殺欒盈

傳惡之弗有也

二十六年

秋宋公殺其世子

湮

二十七年

衛殺其大夫甯喜

傳稱國以殺罪累上也

三十一年

天王殺其弟佖夫

傳甚之也

鄭良霄出奔許

自許入于鄭鄭人殺良霄

傳不言大夫惡之也

昭公

三十二年

秋鄭殺其大夫公孫黑

三十四年

秋七月楚子蔡侯陳侯

許男頓子胡子沈子淮夷伐吳執齊慶封殺之

三十五年

楚殺

其大夫屈申

三十八年

春陳侯之弟招殺陳世子偃師

傳惡也

楚人執陳行人干徵師殺之

傳稱人以執大夫執有罪

也稱行人怨接於上也 陳人殺其大夫公子過 十有一年

夏四月丁巳楚子虔誘蔡侯般殺之于申 傳何為名之也

夷狄之君誘中國之君而殺之故謹而名之也稱時稱月稱

日稱地謹之也 十有二年 楚殺其大夫成虎 十有三年 楚公

子棄疾殺公子比 十有四年 冬莒殺其公子意恢 十有六年

楚子誘戎蠻子殺之 二十一年 秋盜殺衛侯之兄輒 二十有七年

年 楚殺其大夫卻宛 定公 二十四年 夏四月庚辰蔡公孫

姓帥師滅沈以沈子嘉歸殺之 哀公 二十二年 蔡殺其大夫

公子駟 二十四年 夏蔡殺其大夫公孫姓公孫霍 十有三年 盜

殺陳夏區夫

述曰殺例書日者止昭十有一年楚子虔殺蔡侯申一書夏

四月丁巳所以謹夷夏之防也隱四年傳其月謹之也凡書月者視此范注云討賊例時此自諸侯卒葬時正也例來其月謹之自月故也例來楚殺蔡侯書日此自日危也例來立

隱公

四年

冬十有二月衛人立晉

傳衛人者取辭也立者

不宜立者也晉之名惡也

成公

六年

二月辛巳立武宮

傳立者不宜立者也

昭公

二十有三年

尹氏立王子朝

傳立者不宜立者也朝之不名何也別嫌乎尹氏之朝也

定公元年

立煬宮

傳立者不宜立者也

述曰立者不宜立其例同唯成六年立武宮一書二月辛巳

此自諸侯卒葬日危也危不得葬也例來餘皆不日

公觀

隱公

五年

春公觀魚于棠

傳傳曰常事曰視非常曰觀禮尊

不親小事卑不尸大功魚卑者之事也公觀之非正也 莊

公

二十有三年

夏公如齊視社

傳常事曰視非常曰觀觀

無事之辭也以是為尸女也無事不出竟

述曰公觀非正其例同雖隱書春莊書夏不得援公往時正

也之例

例在莊二十有三年

以釋之范注之說非是應自諸侯卒葬時

惡之也例來

宮廟

隱公

五年

九月考仲子之宮初獻六羽

莊公

二十有三年

秋丹桓宮楹

傳非禮也

二十有四年

春王三月刻桓宮桷

傳非正也

文公

十有三年

太室屋壞

傳志不敬也

成

公

六年

二月辛巳立武宮

辛巳書日之例宜補見上立例

傳立者不宜

立者也

定公元年

立煬宮

傳立者不宜立者也

述曰隱五年范注云失禮宗廟功重者月功輕者時此但較

丹桓宮楹書秋言之亦用蟲災甚則月不甚則時之例蓋與

諸侯卒葬月故也時惡之也例為反對

蟲災

隱公

五年

螟

傳蟲災也甚則月不甚則時

八年

螟

桓

公

五年

螽

傳蟲災也甚則月不甚則時

莊公

七年

螽

螟

二十有九年

秋有蜚 傳一有一凶曰有

僖公

十五年

螽

八月螽

傳蟲災也甚則月不甚則時

文公

八年

螽

宣公

六年

秋八月螽

十有三年

秋螽

十有五年

秋螽

冬螽生

傳螽非災也其曰螽非稅畝之災也

襄公

七年

八月螽

哀公

十有二年

冬十有二月螽

十有三年

九月

螽

十有二月螽

莊公

十有七年

冬多麋

十有八年

秋有蜚

傳一有一匹曰有

蜚射人者也

昭公

二十有五年

有鸛鵒來巢

傳一有一

匹曰有來者來中國也鸛鵒穴者而曰巢或曰增之也

附

述曰甚則月不甚則時可由螽例而推諸凡災也亦與諸侯

卒葬月故也時惡之也例為反對

園

隱公

五年

宋人伐鄭圍長葛

傳伐國不言圍邑此其言圍

何也久之也

莊公

八年

夏師及齊師圍郕

僖公

六年

夏公會齊侯宋公陳侯衛侯曹伯伐鄭圍新城 傳著鄭

伯之罪也

秋楚人圍許

十九年

秋宋人圍曹

二十三年

春齊侯伐宋圍閔

二十五年

秋楚人圍陳

二十六年

冬

楚人伐宋圍閔

二十七年

冬楚人陳侯蔡侯鄭伯許男圍

宋

二十八年

諸侯遂圍許曹伯襄復歸于曹遂會諸侯圍

許

三十一年

晉人秦人圍鄭

三十一年

秋圍衛

文公

三年

秋楚人圍江

二十二年

夏楚人圍巢

宣公

二十三年

宋

師圍曹

九十年

宋人圍滕

二十二年

楚子圍鄭

二十四年

秋

九月楚子圍宋

成公

三十一年

秋叔孫僑如帥師圍棘

九十年

鄭人圍許

襄公元年

仲孫蔑會晉欒黶宋華元衛甯

殖曹人莒人邾人滕人薛人圍朱彭城年四陳人圍頓

年七楚公子貞帥師圍陳年十有春王三月莒人伐我東鄙

圍郕年十有夏齊侯伐我北鄙圍成年十有秋齊侯伐

我北鄙圍成年十有秋齊侯伐我北鄙圍桃齊高厚帥師

伐我北鄙圍防年十有冬十月公會晉侯宋公衛侯鄭伯

曹伯莒子邾子滕子薛伯杞伯小邾子同圍齊昭公年十有

年一楚公子棄疾帥師圍蔡年十有春叔弓帥師圍費年十二

年三晉人圍郊年二十有夏公圍成傳非國不言圍

所以言圍者以大公也定公年四秋楚人圍蔡年五

冬晉士鞅帥師圍鮮虞年六季孫斯仲孫忌帥師圍鄆

年十夏晉趙鞅帥師圍衛叔孫州仇仲孫忌帥師圍郕

秋叔孫州仇仲孫何忌帥師圍郕

十有二年

十有二月公圍

郕 傳非國言圍圍成大公也 哀公元年 楚子陳侯隨

侯許男圍蔡

三年

春齊國夏衛石曼姑帥師圍戚

叔孫

州仇仲孫何忌帥師圍邾

七年

秋宋人圍曹

述曰范注隱五年圍例時此本徐邈說

見楊疏宣十有四年

蓋推伐與

侵之例而言

徐范說皆非也此自諸侯卒葬時惡之也例來其惡之不甚者書月

昭二十有三年晉人圍郊范注郊周邑此誤以公羊之說說

穀梁也穀梁傳例非國不言圍則郊必小國

襄十有八年同圍齊傳非圍而曰圍齊有大焉亦有病焉非

大而足同與

此釋文本一本與作焉

諸侯同罪之也亦病矣謹案亦病

云者齊病也范注楊疏以爲諸侯亦病者非

平

隱公

六年

春鄭人來輸平

傳輸墮也平之為言以道成也來

輸平者不果成也

宣公

四年

公及齊侯平莒及邾莒人

不冝

十五年

夏五月宋人及楚人平

傳外平不道以吾

人之存焉道之也

昭公

七年

春王正月暨齊平

傳以內

及外曰暨

定公

十年

春王三月及齊平

十有

冬及鄭

平

述曰范注及鄭平曰傳例盟不日者淪盟惡之也取夫詳略

之義則平不日者亦有惡矣蓋不能相結以信今案范說非

也觀下經叔還如鄭莅盟傳例凡來盟莅盟俱為前定之盟

盟且前定則平何謂不能結信乎然則平何以不日也曰平

非一日之事也觀宣四年之莒人不肖及昭七年之以內及
 外則知不日之故矣不果成者書時此自諸侯卒葬時惡之也例來其大書月此自月故也例來
 隱元年九月及宋人盟于宿楊疏云定十一年注平不日亦
 有惡矣則平亦有日月之例也今案楊說亦非

皇清經解續編卷九百九十一終

江陰馮 銘校
丹徒陳慶年

皇清經解續編卷九百九十二

南菁書院

穀梁大義述四

丹徒柳興思賓叔著

述日月例

城

隱公

六年

夏城中丘

傳凡城之志皆讓也

九年

夏城郎

桓公

五年

城祝丘

十有六年

冬城向

莊公

九年

冬

浚洙

傳浚洙者深洙也著力不足也

二十有九年

城諸及

防

傳可城也以大及小也

三十有二年

春城小穀

僖公元

年

齊師宋師曹師城邢

傳美齊侯之功也

二年

春王正

月城楚丘

傳封衛也

十有四年

春諸侯城緣陵

文公

七年

遂城郕

十有二年

季孫行父帥師城諸及郕

傳稱帥師

言有難也

宣公

年八

城平陽

成公

年四

冬城鄆

九年

城中城

襄公

年二

冬仲孫慶會晉荀偃齊崔杼宋

華元衛孫林父曹人邾人滕人薛人小邾人于戚遂城虎牢

七年

城費

年十有三年

冬城防

年十有五年

季孫宿叔孫豹帥

師城成郛

年十有九年

城西邾

城武城

年二十有九年

仲孫羯

會晉荀盈齊高止宋華定衛世叔儀鄭公孫段曹人莒人邾

人滕人薛人小邾人城杞

昭公

年三十有二年

冬仲孫何忌

會晉韓不信齊高張宋仲幾衛太叔申鄭國參曹人莒人邾

人薛人杞人小邾人城成周

定公

年六

冬城中城 傳

城中城者三家張也或曰非外民也

年十有四年

城莒父及霄

年十有五年

冬城漆

哀公

年三

季孫斯叔孫州仇帥師城

啟陽

四年

城西郭

五年

城毗

六年

城邾取

述曰隱六年范注城例時以經無書月書日者也

此自諸侯卒葬時正

也例

宋林堯叟云內城二十三不時害義固為罪矣雖時且義亦

書見勞民為重事也

今案此左氏說若穀梁例則凡城之志皆識也

齊伯外城三邢

也楚丘也緣陵也獨城邢為美晉伯外城三虎牢也杞也成

周也獨城成周無議

此則有合於穀梁之旨故錄之

諸侯來聘

隱公

七年

齊侯使其弟年來聘

桓公

三年

冬齊侯使其

弟年來聘

僖公

三十有三年

齊侯使國歸父來聘

宣公

十年

齊侯使國佐來聘

襄公

二十有七年

春齊侯使慶封

來聘 以上齊 莊公 二十有三年 荆人來聘 傳善累而

後進之其曰人何也舉道不待再 文公 九年 冬楚子使

欬來聘 傳楚無大夫其曰欬何也以其來我喪之也 襄

公 三十一年 春王正月楚子使遼罷來聘 以上楚 莊公

二十有五年 春陳侯使女叔來聘 傳其不名何也天子之命大

夫也 以上陳 文公 四年 衛侯使甯俞來聘 成公

三年 衛侯使孫良夫來聘 襄公元年 冬衛侯使公孫剽

來聘 七年 冬十月衛侯使孫林父來聘 以上衛 文公

十有二年 秦伯使術來聘 以上秦 成公 三年 冬十有

一月晉侯使荀庚來聘 八年 晉侯使士燮來聘 十有

晉侯使卻擘來聘 十八年 晉侯使士匄來聘 襄公元年

晉侯使荀罃來聘

八年

晉侯使士匄來聘

二十有二年

晉

侯使士魴來聘

二十有六年

晉侯使荀吳來聘

二十有九年

晉侯使士鞅來聘

昭公

二年春晉侯使韓起來聘

二十有一年

年

夏晉侯使士鞅來聘

以上晉成公

四年春宋公使

華元來聘

八年

宋公使華元來聘

襄公

十有五年春宋公

使向戌來聘

昭公

二十有五年

夏宋公使華定來聘

以

上宋

襄公

五年

夏鄭伯使公子發來聘

以上鄭

襄

公

二十有九年

吳子使札來聘 以上吳

述曰隱七年范注云聘例時此由朝時正也之例而推之然亦有書月者此自諸侯卒葬時正也月故也例來

范注引杜預曰吳子餘祭既遣札聘上國而後死是范以使

札者爲餘祭此非穀梁意也上傳方議餘祭之近刑人此傳則曰身賢賢也使賢亦賢也曾近刑人以死非命者得爲身賢乎賈逵服虔以此矣子爲夷末近是不當引杜說也

周聘

隱公 年七 冬天王使凡伯來聘 年九 春天王使南季來聘

傳聘諸侯非正也 桓公 年四 夏天王使宰渠伯糾來聘

年五 天王使任叔之子來聘 年八 天王使家父來聘

莊公 年二十有 祭叔來聘 傳其不言使何也天子之內

臣也不正其外交故不與使也 僖公 年三十 冬天王使

宰周公來聘 宣公 年十 秋天王使王季子來聘

述曰諸侯聘例時周聘例同但傳云聘諸侯非正也范注駁

之曰周禮天子時聘以結諸侯之好殷類以除邦國之慝閒
問以諭諸侯之志歸服以交諸侯之福賀慶以贊諸侯之喜
致禴以補諸侯之災許慎曰禮臣病君親問之天子有下聘
之義傳曰聘諸侯非正甯所未詳今案周禮鄭注云時聘者
亦無常期天子有事諸侯使大夫來聘親以禮見之禮而遣
之所以結其恩好也故楊疏云時聘殷類二者是諸侯臣使
於王也非王臣使於諸侯又禮王制正義引異義公羊說天子無下
聘義知公羊古說亦以聘諸侯爲非正不獨穀梁爲然矣聘侯非正而書時則自諸侯卒葬時惡也例來

內災異

隱公

年九

三月癸酉大雨震電庚辰大雨雪

傳震雷也電

霖也志疏數也八日之間再有大變陰陽錯行故謹而日之

也雨月志正也 桓公元年 秋大水 傳凡高下有水災

為大水 年三 有年 傳五穀皆熟為有年也 年八 冬十

月雨雪 年十有 夏大水 年十有 無冰 秋八月壬申御

廩災 莊公 年七 夏四月辛卯昔恆星不見夜中星隕如

雨 秋大水無麥苗 年二十有 大水 年二十有 秋大水

年二十有 大無麥禾 年三十有 冬不雨 僖公 年二

冬十月不雨 傳不雨者勤雨也 年三 春王正月不雨 夏

四月不雨 傳一時言不雨者閔雨也閔雨者有志乎民者

也 六月雨 傳雨云者喜雨也喜雨者有志乎民者也

年十 冬大雨雪 年十有 己卯晦震夷伯之廟 傳晦冥也

二十
年 五月乙巳西宮災 傳謂之新宮則近為禰宮以諡

言之則如疏之然以是為閔宮也 二十有 夏大旱 傳

旱時正也 二十有 秋大雨雹 三十有 隕霜不殺草

李梅實 文公 二 年 自十有二月不雨至于秋七月 傳

歷時而言不雨文不勤雨也不憂雨者無志乎民也 九 年

九月癸酉地震 傳震動也地不震者也震故謹而日之也

十 年 自正月不雨至于秋七月 傳歷時而言不雨文不

閔雨也不閔雨者無志乎民也 三十有 年 自正月不雨至于

秋七月 四十有 年 秋七月有星孛入于北斗 傳孛之為言

猶彗也其曰入北斗斗有環域也 宣公 七年 大旱 十

大水 饑 十有 五年 饑 十有 六年 冬大有年 成公元年

無冰

三年

甲子新宮災三日哭

五年

秋大水

十有六年

春王正月兩木冰

傳雨而木冰也志異也傳曰根枝折

襄公

十有六年

五月甲子地震

二十有四年

大水

大饑

傳五穀不升為大饑

二十有八年

春無冰

昭公

三年

冬大

雨雹

四年

春王正月大雨雪

注雪或為雹

十有九年

己卯地震

二十有三年

八月乙未地震

定公元年

冬十月隕霜殺菽

傳未可以殺而殺舉重可殺而不殺舉輕其曰菽舉重也

二年

夏五月壬辰雉門及兩觀災

哀公

三年

夏四月

甲午地震

五月辛卯桓宮僖宮災

四年

六月辛丑亳社

災

十有三年

冬十有一月有星孛于東方

述曰隱九年傳雨月志正也僖二十有一年傳旱時正也推

之凡災異俱例時唯隱九年震電雨雪傳謹而日之而震夷
伯之廟書己卯視此文九年地震傳謹而日之而御廩災等
書壬申至亳社災書辛丑視此閒有書月者蓋亦謹之此自諸侯
卒葬時正也月故也日故也例來

內敗外

隱公十年六月壬戌公敗宋師于菅 傳內不言戰舉其大

者也 莊公十年春王正月公敗齊師于長勺 傳不日疑

戰也疑戰而曰敗勝內也 公敗宋師于乘丘 傳不日疑

戰也疑戰而曰敗勝內也 十有夏五月戊寅公敗宋師

于鄆 傳內事不言戰舉其大者其日成敗之也宋萬之獲

也 僖公元年九月公敗邾師于偃 傳不日疑戰也疑戰

而曰敗勝內也 冬十月壬午公子友帥師敗莒師于麗獲

莒挈 文公 十有 冬十月甲午叔孫得臣敗狄于鹹

傳不言帥師而言敗何也直敗一人之辭也 昭公 五

戊辰叔弓帥師敗莒師于賁泉 傳狄人謂賁泉矢台號從

中國名從主人

述曰傳例其日成敗之也此自諸侯卒葬日故也例來疑戰

不日則惡之益甚矣

公薨葬

隱公 十有 冬十有一月壬辰公薨 傳公薨不地故也隱

公 一年 之不忍地也其不言葬何也君弑賊不討不書葬以罪下也

桓公 十有 夏四月丙子公薨于齊 傳其地于外也

八年

丁酉公之喪至自齊 冬十有二月己丑葬我君桓公

傳葬我君接上下也君弑賊不討不書葬此其言葬何也不

責踰國而討于是也 莊公 三十有二年 八月癸亥公薨于

路寢 傳路寢正寢也寢疾居路寢正也男子不絕于婦人

之手以齊終也 冬十月乙未子般卒 傳子卒日正也不

日故也有所見則日 閔公元年 夏六月辛酉葬我君莊

公 二年 秋八月辛丑公薨 傳不地故也其不書葬不以

討母葬子也 僖公 三十有三年 乙巳公薨于小寢 傳小

寢非正也 文公元年 天王使叔服來會葬 傳葬曰會

其志重天子之禮也 夏四月丁巳葬我君僖公 十有八年 春

王二月丁丑公薨于臺下 傳臺下非正也 六月癸酉葬

我君文公 冬十月于卒 傳子卒不日故也 宣公 十有

年入 冬十月壬戌公薨于路寢 傳正寢也 成公元年

二月辛酉葬我君宣公 十有 已丑公薨于路寢 傳路

寢正也男子不絕於婦人之手以齊終也 丁未葬我君成

公 襄公 三十有 夏六月辛巳公薨于楚宮 傳楚宮

非正也 秋九月癸巳子野卒 傳子卒日正也 冬十月

滕子來會葬 癸酉葬我君襄公 昭公 二十有 九月

乙亥公孫于齊次于陽州 傳孫之為言猶孫也諱奔也次

止也 齊侯唁公于野井 傳弔失國曰唁唁公不得入于

魯也 二十有 公至自齊居于鄆 二十有 春公如齊公

至自齊居于鄆 二十有 公如晉次于乾侯 二十有

八年 九年

公至自乾侯居于耶齊侯使高張來唁公

三十一年春王正月

公在乾侯

三十一年

春王正月公在乾侯

晉侯使荀栎唁

公于乾侯

三十一年

春王正月公在乾侯

十有二月己未

公薨于乾侯

定公元年

夏六月癸亥公之喪至自乾侯

秋七月癸巳葬我君昭公

十有五年

壬申公薨于高寢

傳高寢非正也

邾子來奔喪

傳喪急故以奔言之

九

月滕子來會葬

丁巳葬我君定公雨不克葬戊午日下稷

乃克葬

述日日月之例傳自詳矣

此亦自外諸侯卒葬例來

定元年傳例云內之

大事日葬尤內之重大事故書日不書時舊史薨皆書日孔子

修之有去葬以示義者乃並略其日

及大夫

桓公

二年

及其大夫孔父

傳書尊及卑春秋之義也

莊

公

十有二年

及其大夫仇牧

傳以尊及卑也

僖公

十一年

及其大夫荀息

傳以尊及卑也

述曰此均蒙上弑君日月之文

諸侯會

桓公

二年

蔡侯鄭伯會于鄧

莊公

十有三年

春齊人宋人陳

人蔡人邾人會于北杏

十有五年

春齊侯宋公陳侯衛侯鄭伯

會于鄧

僖公

三年

秋齊侯宋公江人黃人會于陽穀

二十一年

秋宋公楚子陳侯蔡侯鄭伯許男曹伯會于雩

二十八年

曹伯襄復歸于曹遂會諸侯

文公

十有七年

諸

侯會于扈 宣公元年 宋公陳侯衛侯曹伯會晉師于斐

林伐鄭 年九 九月晉侯宋公衛侯鄭伯曹伯會于扈 有十

年一 秋晉侯會秋于橫函 襄公 年三 陳侯使袁僑如會

傳如會外乎會者也 年七 鄭伯髡原如會未見諸侯

年三十 晉人宋人衛人鄭人曹人莒人邾人滕人薛人杞人

小邾人會于澶淵宋災故 昭公 年四 夏楚子蔡侯陳侯

鄭伯許男棕子滕子頓子胡子沈子小邾子宋世子佐淮夷

會于申 年二十有七 秋晉士鞅宋樂祁犁衛北宮喜曹人邾

人滕人會于扈 定公 年十 冬齊侯衛侯鄭游速會于安

甫 年十有四年 秋齊侯宋公會于洮

述曰諸侯會例與公會同 此自諸侯卒葬時 正也月故也例來

公至

桓公

二年

公及戎盟于唐冬公至自唐 傳桓無會而其致

何也遠之也

十有六年

夏四月公會宋公衛侯陳侯蔡侯伐

鄭秋七月公至自伐鄭 傳桓無會其致何也危之也 莊

公

五年

冬公會齊人宋人陳人蔡人伐衛 六年 秋公

至自伐衛 傳惡事不致此其致何也不致則無用見公惡

事之成也

二十有二年

冬公如齊納幣 二十有三年 春公至自

齊 夏公如齊觀社 公至自齊 傳公如往時正也致月

故也如往月致月有懼焉爾

二十有四年

夏公如齊逆女

秋公至自齊 傳迎者行見諸舍見諸先至非正也

二十有六年

年

春公伐戎夏公至自伐戎 僖公

四年

春王正月公會齊

侯宋公陳侯衛侯鄭伯許男曹伯侵蔡蔡潰遂伐楚次于陟

八月公至自伐楚 傳有二事偶則以後事致後事小則

以先事致其以伐楚致大伐楚也 年六 夏公會齊侯宋公

陳侯衛侯曹伯伐鄭 冬公至自伐鄭 傳其不以救許致

何也大伐鄭也 年十有 五月 三月公會齊侯宋公陳侯衛侯鄭

伯許男曹伯盟于牡丘 九月公至自會 年十有 冬十有

二月公會齊侯宋公陳侯衛侯鄭伯許男邢侯曹伯于淮

年十有 九月公至自會 年二十有 公以楚師伐齊取穀公

至自伐齊 傳惡事不致此其致之何也危之也 年二十有 八年

遂會諸侯圍許 年二十有 公至自圍許 年三十有 冬

十月公如齊十有二月公至自齊 文公 年三 冬公如晉

四年春公至自晉 十有三年冬公如晉 十有四年春王正月公

至自晉 六月公會宋公陳侯衛侯鄭伯許男 唐石經 曹伯

晉趙盾癸酉同盟于新城 公至自會 十有七年六月癸未

公及齊侯盟于穀 秋公至自穀 宣公四年秋公如齊

公至自齊 五年春公如齊夏公至自齊 七年夏公會齊侯

伐萊秋公至自伐萊 九年春王正月公如齊公至自齊 十年

春公如齊公至自齊 公如齊五月公至自齊 成公三年

春王正月公會晉侯宋公衛侯曹伯伐鄭 二月公至自伐

鄭 夏公如晉 公至自晉 四年公如晉 秋公至自晉

五年十有二月己丑公會晉侯齊侯宋公衛侯鄭伯曹伯

邾子杞伯同盟于蟲牢 六年春王正月公至自會 十年秋

七月公如晉 十有 一年春王三月公至自晉 十有 三年 三月公

如京師夏五月公自京師還會晉侯宋公衛侯鄭伯曹伯邾

人滕人伐秦 秋七月公至自伐秦 十有 五年 癸丑公會晉

侯衛侯鄭伯曹伯宋世子成齊國佐邾人同盟于戚 公至

自會 十有 六年 秋公會晉侯齊侯衛侯宋華元邾人于沙隨

不見公 公至自會 公會尹子晉侯齊國佐邾人伐鄭

公至自會 十有 七年 夏公會尹子單子晉侯齊侯宋公衛侯

曹伯邾人伐鄭 秋公至自會 傳不曰至自伐鄭何也公

不周乎伐鄭也 冬公會單子晉侯宋公衛侯曹伯齊人邾

人伐鄭十有一月公至自伐鄭 十有 八年 公如晉 公至自

晉 襄公 三 年 公如晉 公至自晉 六月公會單子晉

侯宋公衛侯鄭伯莒子邾子齊世子光己未同盟于雞澤

秋公至自會

四年

冬公如晉

五年

春公至自晉

公會晉

侯宋公陳侯衛侯鄭伯曹伯莒子邾子滕子薛伯齊世子光
吳人糴人于戚 公至自會 公會晉侯宋公衛侯鄭伯曹

伯莒子邾子滕子薛伯齊世子光救陳十有二月公至自救

陳

八年

春王正月公如晉

公至自晉

十年

春公會晉侯宋

公衛侯曹伯莒子邾子滕子薛伯杞伯小邾子齊世子光會
吳于祖 夏五月遂滅傅陽公至自會 傳會夷狄不致惡

事不致此其致何也存中國也中國有善事則并焉無善事
則異之存之也 公會晉侯宋公衛侯曹伯莒子邾子齊世

子光滕子薛伯杞伯小邾子伐鄭

公至自伐鄭

十有一年

公會晉侯宋公衛侯曹伯齊世子光莒子邾子滕子薛伯杞

伯小邾子伐鄭 公至自伐鄭 公會晉侯宋公衛侯曹伯

齊世子光莒子邾子滕子薛伯杞伯小邾子伐鄭會于蕭魚

公至自會 傳伐而後會不以伐鄭致得鄭伯之辭也 有十

年 公如晉 十有三年 春公至自晉 十有八年 冬十月公會晉

侯宋公衛侯鄭伯曹伯莒子邾子滕子薛伯杞伯小邾子同

圍齊 公至自伐齊 二十一年 夏六月庚申公會晉侯齊侯

宋公衛侯鄭伯曹伯莒子邾子滕子薛伯杞伯小邾子盟于

澶淵秋公至自會 二十有一年 春王正月公如晉 夏公至自

晉 公會晉侯宋公衛侯鄭伯曹伯莒子邾子滕子薛伯杞

伯小邾子于沙隨 公至自會 二十有四年 公會晉侯宋公

衛侯鄭伯曹伯莒子邾子滕子薛伯杞伯小邾子于夷儀

公至自會 二十有五年 公會晉侯宋公衛侯鄭伯曹伯莒子

邾子滕子薛伯杞伯小邾子于夷儀 公至自會 二十有八年

十有一月公如楚 二十有九年 春王正月公在楚 傳閔公

也 夏五月公至自楚 傳喜之也致君者殆其往而喜其

反此致君之意義也 昭公 五年 公如晉 秋七月公至

自晉 七年 三月公如楚 九月公至自楚 十有五年 冬公

如晉 十有六年 夏公至自晉 二十有五年 九月乙亥公孫于

齊次于陽州 二十有六年 三月公至自齊居于鄆 傳公次

于陽州其曰至自齊何也以齊侯之見公可以言至自齊也

居于鄆者公在外也至自齊道義不外公也 秋公會齊侯

莒子邾子杞伯盟于鄆陵 公至自會居于鄆 公如齊公

至自齊居于鄆

二十有八年

公如晉次于乾侯

二十有九年春

公至自乾侯居于鄆

定公

四年

三月公會劉子晉侯宋

公蔡侯衛侯陳子鄭伯許男曹伯莒子邾子頓子胡子滕子

薛伯杞伯小邾子齊國夏于召陵 秋七月公至自會

六年

二月公侵鄭公至自侵鄭

八年

春王正月公侵齊公至自

侵齊 二月公侵齊三月公至自侵齊

傳公如往時致月

危致也往月致時危往也往月致月惡之也

公會晉師于

瓦公至自瓦

十年

夏公會齊侯于賴谷公至自賴谷

傳

離會不致何爲致也危之也

十二年

冬十月癸亥公會齊

侯盟于黃

公至自黃十有二月公圍成公至自圍成

傳

何以致危之也何危爾邊乎齊也

十有四年

公會齊侯衛侯

于牽公至自會

哀公

十有

公會吳伐齊

五月公至自

伐齊

十有三年

公會晉侯及吳子于黃池

秋公至自會

述曰莊二十有三年定八年傳例備矣往時正也致月故也往月致月有懼焉爾此自外諸侯卒葬時正也月故也日故也危不得葬也例來往時致月危致也往月致時危往也往月致月惡之也此自外諸侯卒葬危也惡之也例來又隱公自元年至十一年不致各君亦有不致者

內大夫如

桓公

三年

公子翬如齊

經逆女

莊公

二十有五年

冬公子友

如陳

二十有七年

秋公子友如陳

經葬原仲傳歸出奔

二十有八年

臧

孫辰告糴于齊 傳不言如爲內諱也 三十有二年 公子慶

父如齊 傳諱 僖公 三年 冬公子友如齊 經莊五年夏

公孫茲如牟 七年 公子友如齊 三十有三年 冬公子友如齊

二十有六年 公子遂如楚 經乞師 二十有八年 公子遂如齊

三十一年 公子遂如京師遂如晉 三十有一年 公子遂如晉

文公元年 公孫敖如齊 二年 公子遂如齊 經納幣 五年

夏公孫敖如晉 六年 夏季孫行父如陳 秋季孫行父如

晉 冬十月公子遂如晉 七年 公孫敖如莒 八年 公孫

敖如京師 經不至而復 十有 公子遂如宋 十有四年 冬

單伯如齊 十有五年 春季孫行父如晉 秋 季孫行父如晉

十有七年 冬公子遂如齊 十有八年 秋公子遂叔孫得臣如

齊 傳使舉上客而不稱介不正其同倫而相介故列而數

之也 季孫行父如齊 宣公元年 公子遂如齊經逆女

夏季孫行父如齊 公子遂如齊七年 夏六月公子遂如

齊經至黃 公孫歸父如齊經葬齊 季孫行父如齊

冬公孫歸父如齊十年 公孫歸父如晉 成公五年

仲孫蔑如宋 公孫嬰齊如晉 冬季孫行父如晉

八年 公孫嬰齊如晉 季孫行父如宋經致女 十有

夏季孫行父如晉 秋叔孫僑如如齊十有四年 秋叔孫僑

如如齊經逆女 襄公元年 叔孫豹如宋四年 夏叔孫豹

如晉五年 叔孫豹相世子巫如晉 傳外不言如而言如

爲我事往也 冬叔孫豹如邾季孫宿如晉七年 秋

季孫宿如衛

九年

夏季孫宿如晉

十六年

冬叔孫豹如

齊

十九年

季孫宿如晉

二十年

叔老如齊

季孫宿如

宋

二十四年

春叔孫豹如晉

二十八年

仲孫羯如晉

二十九年

有九年

冬仲孫羯如晉

三十年

秋七月叔弓如宋

共姬

昭公

二年

夏叔弓如晉

季孫宿如晉

傅公如晉而不

得入季孫宿如晉而得入惡季孫宿也

六年

夏季孫宿如

晉

冬叔弓如楚

七年

叔孫婼如齊

經蒞盟

八年

叔弓如

晉

九年

秋仲孫襄如齊

十年

九月叔孫婼如晉

經葬晉平公

十一年

春王二月初弓如宋

經葬宋平公

十六年

季孫意如如

晉

經冬十月葬昭公

二十三年

春王正月叔孫婼如晉

二十五年

春

叔孫婼如宋

定公

十六年

夏季孫斯仲孫何忌如晉

二十八年

叔孫州仇如齊

十有

叔還如鄭

經在

哀公

五

冬叔還如齊

述曰此不得援公如公至之例其如京師如齊如晉者多行

聘禮應即聘例時而推之也其書月者蓋亦謹之

此自諸侯卒葬時正

也月故也例來

夫人至及如

桓公

三

公子翬如齊逆女 傳逆女親者也使大夫非正

也 九月齊侯送姜氏于謹 傳送女踰竟非禮也 夫人

姜氏至自齊 傳其不言翬以之來何也公親受之於齊僎

也

十有

公與夫人姜氏遂如齊 莊公元年 三月夫

人孫于齊 傳孫之為言猶孫也諱奔也接練時錄母之變

始人之也不言氏姓貶之也

二年

冬十有二月夫人姜氏

會齊侯于祿

傳婦人既嫁不踰竟踰竟非正也婦人不言

會言會非正也饗甚矣

四年

春王二月夫人姜氏饗齊侯于

祝丘

五年

夏夫人姜氏如齊師

七年

春夫人姜氏會齊侯

于防

冬夫人姜氏會齊侯于穀

十五年

夏夫人姜氏如

齊

十九年

夫人姜氏如莒

傳婦人既嫁不踰竟踰竟非

正也

二十年

春王二月夫人姜氏如莒

二十年

冬公如

齊納幣

二十四年

夏公如齊逆女

傳不正其親迎於齊

也 八月丁丑夫人姜氏入

傳日入惡入者也

戊寅大

夫宗婦觀用幣

傳惡之故謹而日之也

閔公

二年

夫

人姜氏孫于邾

僖公

十一年

夏公及夫人姜氏會齊侯

于陽穀 十有七年

秋夫人姜氏會齊侯于卞 文公 四年

夏逆婦姜于齊 傳何其速婦之也曰公也其不言公何也

非成禮于齊也 九年 夫人姜氏如齊 三月夫人姜氏至

自齊 傳卑以尊致病文公也 十有八年 夫人姜氏歸于齊

傳惡宣公也 宣公元年 公子遂如齊逆女三月遂以

夫人婦姜至自齊 傳其不言氏喪未畢故略之也 成公

十有四年 秋叔孫僑如如齊逆女 九月僑如以夫人婦姜

氏至自齊 傳大夫不以夫人以夫人非正也刺不親迎也

述曰文九年疏引范氏例夫人行十有二例時 今案亦有舊

日者 此自諸侯卒葬時正也月故也日故也例來文姜七如

齊再如莒是九也夫人姜氏會齊侯于陽穀十也夫人姜氏

會齊侯于卅十一也夫人姜氏如齊十二也今案文姜之如齊桓十有八年一也莊元年孫于齊二也二年會禚三也四年祝丘四也五年如齊師五也七年會防六也冬會穀七也十有五年如齊八也其祝丘及防范注皆云魯地不數之則爲六並數之則爲八范例云七者蓋合桓十有八年與莊元年之孫爲一謂此一年有餘文姜在齊未返耳不知文姜如未返魯則桓末年之如齊乃與桓俱行並非出奔傳何得云奔而爲之諱也惟前反而此又奔故經以三月定其期傳以奔實其事且三月出奔正接四月練祭故傳云接練時錄母之變乃范注云夫人初與桓俱如齊今又書者於練時感夫人不與祭信如范言桓以前年夏四月薨于齊今年練祭必

在四月試改經曰四月夫人孫于齊可乎不可乎以閏二年九月夫人姜氏孫于邾例之知此孫齊亦係據事實書而文姜之於三月前已返魯今又奔齊昭然察矣文姜果未返魯則經當如公在楚公在乾侯之例于元年春王正月下書夫人在齊而夫人尊不敵君經固無此例也實書正月夫人在齊猶不可乃空撰三月夫人孫于齊而范注以為可經尤無此事也

范桓八年注云親逆例時不親逆例月亦自時正也月故也例來

有年時月例

桓公三年有年 傳五穀皆熟為有年 宣公十六年冬

大有年 傳五穀大熟為大有年

述曰大有年舊時此自諸侯卒葬時正也例來

狩閱

桓公

四年

春正月公狩于郎

傳四時之田皆為宗廟之事也

六年

秋八月壬午大閱

傳大閱者何閱兵車也修教明諭

國道也平而修戎事非正也其日以其崇武故謹而日之謹

以觀婦人也

莊公

四年

冬公及齊人狩于郕

傳刺釋

怨也

八年

甲午治兵

昭公

八年

秋蒐于紅

傳正也

因蒐狩以習用武事禮之大者也

十有一年

大蒐于比蒲

二十有二年

大蒐于昌開

傳秋而曰蒐此春也其日蒐何也

以蒐事也

定公

十有三年

大蒐于比蒲

十有四年

大蒐于

比蒲

哀公

十有四年

春西狩獲麟

述曰桓六年傳以其崇武故謹而日之范注云蒐狩例時其月者重失禮也此自諸侯卒葬時正也月故也日惡也例來其莊六年甲午治兵而陳蔡不至則非崇武亦謹而日之者蓋兵凶戰危因陳蔡而謹之也

外如

桓公

五年

夏齊侯鄭伯如紀

冬州公如曹

傳外相如不

書此其書何也過我也

僖公

二十有八年

陳侯如會

傳

如會外乎會也於會受命也

襄公

四年

陳侯使袁僑如

會傳如會外乎會也於會受命也

成公

二年

秋七月

齊侯使國佐如師

襄公

五年

叔孫豹納世子巫如晉

傳外不言如而言如爲我事往也

七年

鄭伯髡原如會

經未

見諸侯丙午卒于操傳未見諸侯其日如會何也致其志也

述曰桓五年范注過我則齊例時此自諸侯卒葬時正也例來今案成二

年書七月者為下已酉至于會葬書日起也

等

桓公五年大雩僖公十年秋八月大雩傳雩月正

也雩得雨曰雩不得雨曰旱三年秋九月大雩成公

三年秋大雩冬大雩傳不月而時非之也冬無

加雩也襄公五年秋大雩八年秋九月大雩十年

秋大雩七年九月大雩二十年秋八月大雩

昭公三年八月大雩六年秋九月大雩八年大雩

十年九月大雩二十四年秋八月大雩二十五年秋

七月上幸大雩季辛又雩 傳季者有中之辭也又有繼之

辭也 定公元年 九月大雩 傳雩月雩之正也秋大雩

非正也冬大雩非正也 七年 大雩 九月大雩 十有二年

秋大雩

述曰傳曰例月正也嘗時非之也此自諸侯卒葬日正也時惡也例來

王后

桓公

八年

祭公來逆王后于紀

九年

春紀季姜歸于京師

傳爲之中者歸之也

襄公

十五年

劉夏逆王后于齊

傳過我故志之也

述曰此無時月之例但以過我則書范桓八年注視逆例時

不親逆例月乃以魯夫人例推之

則自諸侯卒葬時正也月故也例來

襄十有五年楊疏云案此時王者世本本紀當頃王也今案頃王字誤毛本如此阮宮保穀梁校勘記亦失校當作靈王魯襄公之十有五年為周靈王之十有四年

晉書

廿一

禮志王者婚禮禮無其例春秋祭公逆王后于紀穀

梁左氏傳說與公羊又不同而自漢魏遺事並皆闕略

廟祭

桓公

八年

春正月己卯烝傳烝冬事也春興之志不時也

夏五月丁丑烝傳烝冬事也春夏興之贖祀也志不敬也

十有四年

秋八月壬申御廩災乙亥嘗傳御廩之災不志

此其志何也以爲唯未易災之餘而嘗可也志不敬也 閔

公年二夏五月乙酉吉禘于莊公 傳吉禘者不吉者也

喪事未畢而舉吉祭故非之也 僖公年八秋七月禘于

太廟用致夫人 文公年二丁丑作僖公主 傳譏其後

也 八月丁卯大事于太廟躋僖公 傳逆祀也 宣公

年七辛巳有事于太廟仲遂卒于垂壬午猶釋萬入去籥

昭公年十有五年二月癸酉有事于武宮 定公年八從祀

先公 傳貴復正也

述曰從祀復正者不日則凡書日者皆非正也僖八年致夫

人亦不正亦不日者傳云卽外之弗夫人而見正焉

桓二年夏四月取郕大鼎于宋戊申納于太廟當亦有祭范

注日之明惡甚也益可證凡書日者皆非正矣 此自諸侯卒葬口故也例

來

內戰

桓公

十一年

冬十有二月丙午齊侯衛侯鄭伯來戰于郎 傳

來戰者前定之戰也內不言戰言戰則敗也不言其人以吾
敗也不言及者爲內諱也 十有二年 十有二月及鄭師伐宋

丁未戰于宋 傳非與所與伐戰也不言與鄭戰恥不和也

於伐與戰敗也內諱敗舉其可道者也

十有三年

春二月公會

紀侯鄭伯己巳及齊侯宋公衛侯燕人戰薊師宋師衛師燕

師敗績 傳其言及者由內及之也其曰戰者由外言之也

戰稱人敗稱師重眾也其不地於紀也

十有七年

夏五月丙

午及齊師戰于郎 傳內諱敗舉其可道者也不言其人以

吾敗也不言及之者爲內諱也 莊公九年 八月庚申及

齊師戰于乾時我師敗績 僖公二十二年 秋八月丁未

及邾人戰于升陘 傳內諱敗舉其可道者也不言其人以

吾敗也不言及之者爲內諱也 成公二年 六月癸酉季

孫行父臧孫許叔孫僑如公孫嬰齊帥師會晉卻克衛孫良

夫曹公子手及齊師戰于鞏齊師敗績 傳其日或曰日其

戰也或曰日其悉也 哀公十一年 五月公會吳伐齊

國書帥師及吳戰于艾陵齊師敗績獲齊國書

述曰內戰未有不書日者此自諸侯卒葬日危也例來

外大夫見執

桓公十一年 九月宋人執鄭祭仲 莊公十七年 春齊人執

鄭詹 傳人者厭辭也以人執與之辭也鄭詹鄭之卑者卑

者不志此其志何也以其逃來志之也逃來則何志焉將有

其末不得不錄其本也鄭詹鄭之倭人也 僖公 四年 齊

人執陳袁濤塗 傳齊人者齊侯也其人之何也於是哆然

外齊侯也不正其踰國而執也 襄公 二十有六年 晉人執

衛甯喜 昭公 十有一年 冬十有一月丁酉楚師滅蔡執蔡

世子友以歸用之 定公元年 三月晉人執宋仲幾于京

師 傳此其大夫其曰人何也微之也何爲微之不正其執

人於尊者之所也不與大夫之伯討也 六年 秋晉人執宋

行人樂祁犁 七年 齊人執衛行人北宮結

述曰范桓十有一年注云執大夫有罪者例時無罪者月 此

諸侯卒葬時正也月故也例來

諸侯及大夫復歸

桓公 十有一年 突歸于鄭 傳曰突廢之也曰歸易辭也 十有

五年 鄭世子忽復歸于鄭 傳反正也 十有七年 秋八月蔡

季自陳歸于蔡 傳蔡季蔡之貴者也自陳陳有奉焉爾

莊公 二十有四年 赤歸于曹郭公 閔公元年 季子來歸

傳其曰季子貴之也其曰來歸喜之也 冬齊仲孫來

傳其曰齊仲孫外之也其不目而曰仲孫疏之也其言齊以

累桓也 僖公 二十有八年 六月衛侯鄭自楚復歸于衛

傳自楚楚有奉焉爾復者復中國也歸者歸其所也鄭之名

失國也 衛元咺自晉復歸于衛 傳自晉晉有奉焉爾復

者復中國也歸者歸其所也 曹伯襄復歸于曹 傳復者

復中國也天子免之因與之會其曰復通王命也 三十一年

衛侯鄭歸于衛 成公 十有四年 夏衛孫林父自晉歸于衛

十有五年 宋華元自晉歸于宋 十有六年 曹伯歸自京師

傳不言所歸歸之善者也出入不名以爲不失其國也歸爲

善自某歸次之 今案此傳之自明其例也 襄公 二十有三年 陳侯之弟光

自楚歸于陳 二十有六年 甲午衛侯衎復歸于衛 傳曰歸

見知弑也 昭公 十有三年 楚公子比自晉歸于楚 傳自

晉晉有奉焉爾 蔡侯廬歸于蔡陳侯吳歸于陳 定公

十有三年 晉趙鞅歸于晉

述曰唯襄二十有六年一書甲午惡之也餘皆不日 此自諸侯卒葬

日故也
例來

莊公二十有四年赤歸于曹郭公范注引徐乾說以赤爲郭國之君不知突歸于鄭赤歸于曹書法一例突爲鄭君何以赤非曹君復書郭公者郭亦曹地而赤先據之卽鄭伯突入于櫟之例推之經亦宜書曹伯赤入于郭不書者非文不備正例可互見也或曰郭爲曹地傳何云外歸也不知外歸云者自外而歸非歸於外郭本曹地而赤據之則郭外於曹矣猶櫟本鄭地而突據之則櫟外於鄭矣然則突自櫟歸經亦可書櫟公傳亦可云外歸而經不書櫟公傳不云外歸者卽赤歸于曹郭公之例比之屬之亦可互見也乃蒙更於穀梁本傳得一切證焉昭二十有五年宋公佐卒于曲棘傳曰祁

公也范注改邢爲訪訓訪爲謀以爲謀納昭公此用左氏說也卽如左氏說穀梁亦當云謀內不當云謀公況更改字以邢爲訪乎不知邢卽防字隱十年公敗宋師取郕取防則防亦宋地宋公佐蓋以他故先入于邢故傳於卒曲轅之下云邢公也推此知郭公之下如加一也字則文義極顯但經無此書法遂啟後儒臆說之端耳然則非傳文邢公也三字無以證明郭公之經此穀梁所以爲善於經惜兩處俱爲魏晉以來注家所亂安得起先師於九京之下一一釐正之

諸侯出奔

桓公

十有一年

鄭忽出奔衛

傳鄭忽者世子忽也其名失國

也

十有五年

五月鄭伯突出奔蔡

傳譏尊正也

十有六年

十有一月衛侯朔出奔齊 傳朔之名惡也天子召而不往

也 莊公

年十

齊師滅譚譚子奔莒

僖公

年五

楚人

滅弦弦子奔黃

年十

狄滅溫溫子奔衛

年二十有

衛侯

出奔楚 襄公

年十有

己未衛侯出奔齊

昭公元年

秋莒去疾自齊入于莒莒展出奔吳

年三

北燕伯欵出奔

齊

年二十有

冬蔡侯東出奔楚

傳東者東國也

年三十

冬十有二月吳滅徐徐子章羽奔楚

述曰唯襄十有四年一書己未范注諸侯出奔例月今出入

皆日以著其惡

此自諸侯卒葬月故也日故也例來

來盟莅盟

桓公

年十有

鄭伯使其弟禦來盟

傳來盟前定也不日前

定之盟不日

楊疏成十一年己丑及卻鞏盟是後定可知也

閔公

二年

冬齊高

子來盟

僖公

三年

冬公子友如齊蒞盟

傳蒞者位也

其不日前定也

四年

楚屈完來盟于師

傳前定也

文

公

七年

公孫敖如莒蒞盟

傳前定也其不日前定之盟

不日也

十五年

三月宋司馬華孫來盟

傳前定也

宣

公

七年

春衛侯使孫良夫來盟

傳不日前定之盟不日

襄公

二十九年

杞子來盟

昭公

七年

叔孫婁如齊蒞

盟

傳蒞位也內之前定之辭謂之蒞外之前定之辭謂之

來定公

十一年

叔還如鄭蒞盟

述曰傳說備矣其不日以前定故則不在褒貶之例

公如

桓公

十有八年

公與夫人姜氏遂如齊

莊公

二十有二年

冬

公如齊

經納幣

二十有三年

夏公如齊

經觀社

二十有四年

夏公

如齊

經逆

僖公

十有年

春王正月公如齊

十有五年

春王正月

公如齊

三十有三年

冬十月公如齊

文公

二十有年

冬公如

晉

十有三年

冬公如晉

宣公

四十有年

秋公如齊

五十五年春公

如齊

九年春王正月公如齊

十有年

春公如齊

夏

公如

齊成公

三十有年

夏公如晉

四十有年

公如晉

三十有三年

三月

公如京師

傳公如京師不月月非如也非如而曰如不叛

京師也

十有八年

公如晉

襄公

三十有年

公如晉

四十有年

冬

公如晉

十有八年

春王正月公如晉

二十有二年

公如晉

二十有一年

春王正月公如晉

二十有八年

十有一月公如楚

昭公

二年 冬公如晉經至河 傳恥如晉故著有疾也 五年 公

如晉 七年 三月公如楚 十年 公如晉經至河 傳季

孫氏不使遂乎晉也 十年 公如晉經至河 十年 冬

公如晉 二十有 公如晉經至河 二十有 冬公如晉

經至河 公 二十有 有疾乃復 七年 春公如齊 冬 公如齊 二十有

公如晉 二十有 公如晉 定公 三年 春王正月公如晉

經至河 乃復

述曰例見前公至下

王姬

莊公元年 夏單伯迎王姬 秋築王姬之館于外 傳築之

外幾之正也 王姬歸于齊 傳為之中者歸之也 二年

秋七月齊王姬卒 傳為之主者卒之也 十有冬王

姬歸于齊 傳其志過我也

述曰例與王后同已見前

來錫

莊公元年 王使榮叔來錫桓公命 傳禮有受命無來錫命

錫命非正也生服之死行之禮也生不服死追錫之不正甚

矣 文公元年 天王使毛伯來錫公命 傳禮有受命無

來錫命錫命非正也 成公 八年 秋七月天子使召伯來

錫公命 傳禮有受命無來錫命錫命非正也曰天子何也

曰見一稱也

述曰錫命非正與來聘同此不在時月之例者

遷

莊公元年 齊師遷紀邢鄆鄆 傳紀國也邢鄆鄆國也或曰

遷紀于邢鄆鄆 年十 三月宋人遷宿 傳遷亡辭也其不

地宿不復見也 閔公 年二 春王正月齊人遷陽 僖公元

年 夏六月邢遷于夷儀 傳遷者猶得其國家以往者也

其地邢復見也 年三十有 十有一月衛遷于帝丘 成公

五年 十有 許遷于葉 傳遷者猶得其國家以往者也其地

許復見也 昭公 年九 許遷于夷 定公 年四 許遷于

容城 年十有 許遷于白羽 哀公 年二 十有一月蔡遷

于州來

述曰莊十年楊疏云凡遷皆月許四遷不月者以其小略之

如邑也遷紀不月者文承月下蒙之可知也此自諸侯卒葬月故也例來

次

莊公三年冬公次于郎 傳次止也有畏也欲救紀而不能

也八年春王正月師次于郎以俟蔡人衛人 傳次止也

十年夏六月齊師宋師次于郎 傳次止也畏我也三十

夏師次于成 傳次止也有畏也欲救鄆而不能也不言

公恥不能救鄆也 僖公元年 齊師宋師曹師次于聶北

救邢 傳救不言次言次非救也四年 遂伐楚次于陘

傳遂繼事也次止也十五年 遂次于匡 傳遂繼事也次

止也有畏也 文公十年 楚子蔡侯次于厥貉 襄公元

年 仲孫蔑會齊崔杼曹人邾人杞人次于郎三十有

三年

八月叔孫豹帥師救晉次于雍榆 傳言救言次非救也

昭公

二十有五年

九月乙亥公孫于齊次于陽州 傳次止

也

二十有八年

公如晉次于乾侯

二十有九年

公如晉次于

乾侯

定公

九年

秋齊侯衛侯次于五氏

十有三年春齊侯

次于垂葭

十有五年

齊侯衛侯次于渠蔣

述曰次或書時或書月其為有畏一也

此自諸侯卒葬月故也例來

救

莊公

五年

冬公會齊人宋人陳人蔡人伐衛

六年

春王二月

壬子突救衛 傳王人卑者也稱名貴之也善救衛也救

者善則伐者不正矣

二十有八年

秋荆伐鄭公會齊人宋人

救鄭 傳善救鄭也

三十有二年

狄伐邢 閔公元年 齊

人救邢 傳善救邢也 僖公元年 齊師宋師曹師次于

聶北救邢 傳救不言次言次非救也非救而曰救遂齊侯

之意 六年 秋楚人圍許諸侯遂救許 傳善救許也 有十

五年 楚人伐徐 公孫敖帥師及諸侯之大夫救徐 傳善

救徐也 十有八年 春王正月宋公曹伯衛人邾人伐齊 夏師

救齊 傳善救齊也 二十有八年 晉侯伐衛 楚人救衛

文公 三年 秋楚人圍江 晉陽處父帥師伐楚救江 傳

此伐楚其言救江何也江遠楚近伐楚所以救江也 九年

楚人伐鄭 公子遂會晉人宋人衛人許人救鄭 宣公

八年 元 楚子鄭人侵陳 晉趙盾帥師救陳 傳善救陳也

九年 楚人伐鄭 晉卻缺帥師救鄭 成公 六年 楚公子

嬰齊帥師伐鄭

晉欒書帥師救鄭

七年

楚公子嬰齊帥

師伐鄭

公會晉侯齊侯宋公衛侯曹伯莒子邾子杞伯救

鄭襄公

五年

楚公子貞帥師伐陳

公會晉侯宋公衛

侯鄭伯曹伯莒子邾子滕子薛伯齊世子光救陳公至自救

陳傳善救陳也

十年

公會晉侯宋公衛侯曹伯莒子邾

子齊世子光滕子薛伯杞伯小邾子伐鄭

楚公子貞帥師

救鄭

十有二年

春王三月莒人伐我東鄙圍郕

季孫宿帥師

救郕

十有五年

夏齊侯伐我北鄙圍成公救成至邕

二十有三年

年

秋齊侯伐衛遂伐晉

八月叔孫豹帥師救晉次于雍

肅哀公

七年

宋人圍曹冬鄭駟弘帥師救曹

十年

楚公子結帥師伐陳吳救陳

述曰范莊六年注引徐邈云王威屈辱有危故月也楊疏云日月之例見危者難施於內今施之於外者范者謂氏云王者安危天下所繫故亦與內同也推此則凡數例時此自諸侯卒葬時正也月故也例來

降

莊公

入年

夏師及齊師圍郕郕降于齊師

傳其曰降于齊

師何不使齊師加威於郕也

三十一年

秋齊人降郕

傳降

猶下也鄭紀之遺邑也

述曰書時者此自諸侯卒葬時惡也例來